

Босна и Херцеговина
БРЧКО ДИСТРИКТ
Босне и Херцеговине
ВЛАДА БРЧКО ДИСТРИКТА
ОДЈЕЉЕЊЕ - ОДЈЕЛ ЗА ЗДРАВСТВО
И ОСТАЛЕ УСЛУГЕ



BOSNA I HERCEGOVINA
BRČKO DISTRIKT
BOSNE I HERCEGOVINE
VLADA BRČKO DISTRIKTA
ODJELJENJE - ODJEL ZA ZDRAVSTVO
I OSTALE USLUGE

БУЛЕВАР МИРА 1. 76100 БРЧКО ДИСТРИКТ БИХ
ТЕЛЕФОН: 049 240 821. ФАКС: 049 240 670.

www.bdcentral.net
zdravstvo@bdcentral.net

БУЛЕВАР МИРА 1. 76100 БРЧКО ДИСТРИКТ БИХ
ТЕЛЕФОН: 049 240 821. ФАКС: 049 240 670.

Broj predmeta: 05-000524/24
Broj akta: 05-1535AM-0002/24
Datum, 25.7.2024. godine
Mjesto, Brčko

**PLAN ZA BORBU PROTIV KORUPCIJE
ODJELJENJA ZA ZDRAVSTVO I OSTALE USLUGE
2023–2024. GODINA**

Brčko, juli 2024. godine

SADRŽAJ

OSNIVANJE ODJELJENJA ZA ZDRAVSTVO I OSTALE USLUGE	3
NADLEŽNOSTI ODJELJENJA.....	3
ORGANIZACIONA STRUKTURA ODJELJENJA	3
DEFINICIJA KORUPCIJE.....	3
CILJEVI STRATEGIJE ZA BORBU PROTIV KORUPCIJE U BRČKO DISTRIKTU BiH 2022–2024. GODINA.....	4
ZAKONODAVNI OKVIR U BORBI PROTIV KORUPCIJE U BRČKO DISTRIKTU.....	4
Strateški okvir u borbi protiv korupcije u Brčko distriktu BiH.....	5
Međunarodni dokumenti u oblasti borbe protiv korupcije	5
PLAN ZA BORBU PROTIV KORUPCIJE ODJELJENJA ZA ZDRAVSTVO I OSTALE USLUGE 2023–2024. GODINA.....	5
Vremenski okvir Plana za borbu protiv korupcije Odjeljenja	5
Obaveze i odgovornosti organizacionih jedinica u smislu provođenja Plana za borbu protiv korupcije Odjeljenja.....	5
Eventualni rizici u implementaciji Plana za borbu protiv korupcije Odjeljenja.....	6
Monitoring implementacije Plana za borbu protiv korupcije Odjeljenja	6
TABELARNI PREGLED AKTIVNOSTI ZA PROVOĐENJE PLANA ZA BORBU PROTIV KORUPCIJE ODJELJENJA.....	7

Na osnovu Jedinstvenih smjernica za izradu planova za borbu protiv korupcije u organima javne uprave i institucijama Brčko distrikta BiH, Odjeljenje za zdravstvo i ostale usluge donosi

PLAN ZA BORBU PROTIV KORUPCIJE ODJELJENJA ZA ZDRAVSTVO I OSTALE USLUGE 2023–2024. GODINA

OSNIVANJE ODJELJENJA ZA ZDRAVSTVO I OSTALE USLUGE


Članom 7. Zakona o javnoj upravi Brčko distrikta BiH („Službeni glasnik Brčko distrikta BiH“, broj: 19/07, 02/08, 43/08, 09/13, 48/16 i 17/23) osnovani su organi javne uprave, a samim tim i Odjeljenje za zdravstvo i ostale usluge.

NADLEŽNOSTI ODJELJENJA

Odjeljenje za zdravstvo i ostale usluge je nadležno za:

- a) preventivu i zaštitu zdravlja stanovništva i funkcionisanje institucija zdravstvene zaštite Distrikta,
- b) očuvanje i unapređenje zdravlja građana,
- c) analizu i praćenje zdravstvenog stanja i zdravstvenih potreba građana Distrikta,
- d) kreiranje i provođenje politike i strategije zdravstva u cjelini,
- e) razvoj i unapređenje sistema zdravstvene zaštite i zdravstvenog osiguranja,
- f) praćenje i provođenje zakona Brčko distrikta BiH u oblasti zdravstva,
- g) nadzor nad zakonitošću rada zdravstvenih ustanova u Brčko distriktu BiH,
- h) donošenje planova i programa mjera zdravstvene zaštite,
- i) izradu programa razvoja zdravstvene djelatnosti,
- j) međuentitetsku i međunarodnu saradnju u oblasti zdravstvene zaštite,
- k) unapređenje sistema kvaliteta zdravstvene zaštite,
- l) planiranje, praćenje i finansiranje zdravstvene zaštite u skladu s posebnim propisima,
- m) planiranje, izradu i realizaciju programa kapitalnog ulaganja u investicije u sektoru zdravstva,
- n) izradu plana mreže zdravstvenih ustanova i organizacija zdravstvenog sistema,
- o) zdravstvenu ispravnost vode, životnih namirnica i predmeta opće upotrebe,
- p) socijalnu pomoć i zaštitu građana,
- q) boračka pitanja, ratne vojne invalide i civilne žrtve rata,
- r) rad i radne odnose;
- s) i druge poslove iz nadležnosti Odjeljenja određene zakonom i drugim propisima.

ORGANIZACIONA STRUKTURA ODJELJENJA



DEFINICIJA KORUPCIJE

Prema Zakonu o Uredu za prevenciju korupcije i koordinaciju aktivnosti na suzbijanju korupcije (u daljnjem tekstu: Ured) korupciju je definisao kao „svaku zloupotrebu moći povjerenu javnom službeniku i licu na političkom položaju, poslodavcu i radniku, koja može dovesti do privatne koristi tog lica, ili bilo kojeg drugog fizičkog ili pravnog lica. Korupcija posebno može uključivati direktno ili indirektno zahtijevanje, nudičenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primaoca mita“.

CILJEVI STRATEGIJE ZA BORBU PROTIV KORUPCIJE U BRČKO DISTRIKTU BiH 2022–2024. GODINA

Ured je u skladu s članom 9. stavom (1) tačkom a) Zakona o Uredu izradio Strategiju za borbu protiv korupcije u Brčko distriktu BiH 2022–2024. godina (u daljnjem tekstu: Strategija) i Akcioni plan za provođenje Strategije za borbu protiv korupcije u Brčko distriktu BiH 2022–2024. godina (u daljnjem tekstu: Akcioni plan), koje je Vlada Brčko distrikta BiH usvojila dana 5. 10. 2022. godine Odlukom o usvajanju Strategije za borbu protiv korupcije u Brčko distriktu BiH 2022–2024. godina, broj predmeta: 48-000615/22, broj akta: 01.11-0377MB-002/22 i Odlukom o usvajanju Akcionog plana za provođenje Strategije za borbu protiv korupcije u Brčko distriktu BiH 2022–2024. godina, broj predmeta: 48-000615/22, brojakta: 01.11-0377MB-003/22.

Spomenuti strateški dokumenti i odluke su objavljeni u „Službenom glasniku Brčko distrikta BiH“, broj: 43/22 od 1. 12. 2022. godine, kao i na zvaničnoj web stranici Ureda www.aktbd.ba.

Strategiju prati Akcioni plan koji sadrži ukupno 124 aktivnosti s jasno definisanim provodiocima i rokovima za realizaciju. U prvoj godini predviđeno je 25 aktivnosti, u drugoj godini 38 aktivnosti, u trećoj godini 5 aktivnosti, dok je u cijelom periodu primjene Akcionog plana predviđeno i 56 kontinuiranih aktivnosti.

Opći cilj Strategije je da se korupcija, kao prepreka ekonomskom, socijalnom i demokratskom razvoju Brčko distrikta BiH u najvećoj mogućoj mjeri otkloni, odnosno minimizira, te da se preventivnim djelovanjem ostvari značajan doprinos smanjenju nivoa korupcije u Brčko distriktu BiH.

Iz ovako formulisanog općeg cilja proizilaze sljedeći strateški ciljevi koji se u Brčko distriktu BiH trebaju postići provođenjem Strategije:

- a) Prevencija korupcije,
- b) Suzbijanje korupcije,
- c) Razvijanje svijesti o štetnosti korupcije i saradnji s civilnim društvom,
- d) Koordinacija, monitoring i evaluacija antikoruptivnih aktivnosti.

ZAKONODAVNI OKVIR U BORBI PROTIV KORUPCIJE U BRČKO DISTRIKTU BiH

Zakoni koji direktno ili indirektno regulišu oblast borbe protiv korupcije u Brčko distriktu BiH su:

- Zakon o Uredu za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH“, broj 25/18);
- Zakon o zaštiti lica koja prijavljuju korupciju („Službeni glasnik Brčko distrikta BiH“, broj 25/18);
- Zakon o Agenciji za prevenciju korupcije i koordinaciju borbe protiv korupcije („Službeni glasnik BiH“, broj: 103/09 i 58/13);
- Zakon o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta BiH“, broj 04/21);
- Zakon o službenicima i namještenicima u pravosuđu Brčko distrikta Bosne i Hercegovine – prečišćeni tekst („Službeni glasnik BiH“, broj 13/23);
- Zakon o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13);
- Krivični zakon Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 19/20);
- Zakon o krivičnom postupku Brčko distrikta BiH – prečišćeni tekst („Službeni glasnik Brčko distrikta BiH“, broj: 33/13, 27/14, 03/19 i 16/20);

- Zakon o finansiranju političkih stranaka iz budžeta Brčko distrikta Bosne i Hercegovine („Službeni glasnik Brčko distrikta BiH”, broj: 29/04, 14/07 i 19/07);
- Izborni zakon Brčko distrikta Bosne i Hercegovine („Službeni glasnik Brčko distrikta BiH”, broj: 17/08, 43/08 i 49/18);
- Zakon o javnim nabavkama („Službeni glasnik BiH”, broj: 39/14 i 59/22);
- Zakon o sprečavanju pranja novca i finansiranja terorističkih aktivnosti („Službeni glasnik BiH”, broj: 47/14 i 46/16);
- Zakon o Visokom sudskom i tužilačkom vijeću Bosne i Hercegovine („Službeni glasnik BiH”, broj: 25/04, 93/05, 48/07 i 15/08).

Strateški okvir u borbi protiv korupcije u Brčko distriktu BiH

Pored Zakona o Uredu i Zakona o zaštiti lica koja prijavljuju korupciju, borbu protiv korupcije u Brčko distriktu BiH određuju postojeća i buduće Strategije za borbu protiv korupcije i Akcioni planovi za njihovo provođenje.

Strateški dokumenti u borbi protiv korupcije u Brčko distriktu BiH su Strategija za borbu protiv korupcije u Brčko distriktu BiH 2022–2024. godina i Akcioni plan za provođenje Strategije za borbu protiv korupcije u Brčko distriktu BiH 2022–2024. godina.

Plan za borbu protiv korupcije podrazumijeva mjere i aktivnosti usmjerene na realizaciju prvenstveno aktivnosti iz Strategije i Akcionog plana, a zatim mjere i aktivnosti usmjerene na prevenciju korupcije s ciljem sprečavanja korupcije u Uredu, prijavu svih slučajeva korupcije, kao i podizanje svijesti zaposlenih u Uredu o rizicima korupcije.

Međunarodni dokumenti u oblasti borbe protiv korupcije

Neki od najznačajnijih međunarodnih dokumenata u oblasti borbe protiv korupcije, koji su potpisani i ratifikovani od strane BiH, jesu:

- Kaznenopravna konvencija protiv korupcije;
- Građansko pravna konvencija protiv korupcije;
- Konvencija Ujedinjenih nacija protiv transnacionalnog organizovanog kriminala (*UNTOC*) sa tri pripadajuća protokola;
- Konvencija Ujedinjenih nacija protiv korupcije;
- Konvencija o pranju, traganju, privremenom oduzimanju i oduzimanju prihoda stečenog krivičnim djelom i o finansiranju terorizma.

PLAN ZA BORBU PROTIV KORUPCIJE ODJELJENJA ZA ZDRAVSTVO I OSTALE USLUGE 2023–2024. GODINA

Plan za borbu protiv korupcije Odjeljenja za zdravstvo i ostale usluge 2023–2024. godina (u daljnjem tekstu: Plan za borbu protiv korupcije Odjeljenja) je antikoruptivni dokument preventivnog karaktera koji sadrži mjere i aktivnosti s ciljem prevencije korupcije.

Vremenski okvir Plana za borbu protiv korupcije Odjeljenja

Plan za borbu protiv korupcije Odjeljenja odnosi se na period 2023–2024. godina čime se obezbjeđuje direktna poveznica s vremenskim rokovima predviđenim za provođenje aktivnosti iz Akcionog plana.

Obaveze i odgovornosti organizacionih jedinica u smislu provođenja Plana za borbu protiv korupcije Odjeljenja

S ciljem potpune realizacije aktivnosti bitno je uspostaviti mehanizme za provođenje aktivnosti i koordinaciju rada između organizacionih jedinica Odjeljenja.

Organizacione jedinice Odjeljenja imaju sljedeća zaduženja:

- Inicijator i koordinator provođenja aktivnosti (šef Odjeljenja i šefovi pododjeljenja/službi),
- Implementator aktivnosti i izvještavanja (šefovi pododjeljenja/službi i kontakt-tačka)
- Monitoring provođenja (šef Odjeljenja i šefovi pododjeljenja/službi)

Eventualni rizici u implementaciji Plana za borbu protiv korupcije Odjeljenja

Rizici koji bi mogli uticati na uspješnu implementaciju Plana za borbu protiv korupcije Odjeljenja su:

- Nedovoljna angažovanost subjekata provođenja,
- Nedostatak finansijskih i drugih resursa,
- Nedostatak sistematičnosti i koordinacije.

Monitoring implementacije Plana za borbu protiv korupcije Odjeljenja

Monitoring provođenja planova za borbu protiv korupcije podrazumijeva preduzimanje kontinuiranih aktivnosti na praćenju i evaluaciji stepena implementacije pojedinačnih mjera i aktivnosti. Svrha praćenja i evaluacije nije samo prikupljanje podataka o napretku ili neuspjesima u provođenju aktivnosti na planu suprotstavljanja korupciji, nego i preduzimanje mjera kako bi se uklonili ili umanjili nedostaci, te identifikovali novi elementi koji bi se ugradili u postojeće ili nove strateške mjere s ciljem što efikasnije prevencije korupcije.

Monitoring je baziran prije svega na procesu izvještavanja putem Obrasca za izvještavanje o implementaciji Plana za borbu protiv korupcije.

TABELARNI PREGLED AKTIVNOSTI ZA PROVOĐENJE PLANA ZA BORBUNU KORUPCIJE ODJELJENJA

STANDARDIZOVANE AKTIVNOSTI DEFINISANE AKCIONIM PLANOM					
Broj aktivnosti	Aktivnost	Provodioci	Rok za provođenje	Indikator uspješnosti	Potrebni resursi
1.1.4.3.	Usvajanje i javno objavljivanje planova javnih nabavki svih institucija s javnim ovlaštenjima u Brčko distriktu BiH	Sve institucije u Brčko distriktu BiH	Kontinuirano	Povećanje transparentnosti u postupku javnih nabavki	Raspoloživi resursi/u skladu s funkcionalnim nadležnostima
1.1.5.3.	Podizanje svijesti i stvaranje veće netolerancije u vezi s korupcijom kod zaposlenih u institucijama Brčko distrikta BiH	Ured, Kontakt-tačke i njihove zamjene	Kontinuirano	Održavanje seminara, internih sastanaka, radionica, treninga i drugih podobnih oblika	Potrebna dodatna sredstva
1.3.1.1.	Izgradnja integralnog jedinstvenog informacionog sistema u zdravstvu Brčko distrikta BiH	Odjeljenje za zdravstvo i ostale usluge, JZU Brčko distrikta BiH, FZO Brčko distrikta BiH	Do kraja važenja Strategije	Unapređenja procesa pružanja medicinskih usluga	Potrebna dodatna sredstva
1.3.2.2.	Pojačati kontrolu u dijelu koji se odnosi na regulisanje dopunske privatne prakse	Inspektorat Brčko distrikta BiH, JZU Brčko distrikt BiH, Odjeljenje za zdravstvo i ostale usluge Brčko distrikta BiH	Kontinuirano	Kontrolom eliminirati nepotrebnu dopunsku privatnu praksu	Raspoloživi resursi/ u skladu s funkcionalnim nadležnostima
1.3.4.1	Analizirati strukturu zdravstvenih usluga kod kojih su liste čekanja izražene	Odjeljenje za zdravstvo Brčko distrikta BiH, JZU Brčko distrikta BiH, FZO Brčko distrikta BiH	Prva godina provođenja Strategije	Urađena analiza	Raspoloživi resursi / u skladu s funkcionalnim nadležnostima
1.3.4.2	Preuzimanje inovativnog softvera za transparentnije liste čekanja pacijenata	Odjeljenje za zdravstvo Brčko distrikta BiH, JZU Brčko distrikta BiH, FZO Brčko distrikta BiH	Druga godina provođenja Strategije	Povećanje transparentnosti i smanjenje vremena čekanja pacijenata na pregled	Raspoloživi resursi / u skladu s funkcionalnim nadležnostima
1.3.4.3	Utvrditi kriterije na osnovu kojih se omogućavaju prioriteti na listama čekanja	Odjeljenje za zdravstvo Brčko distrikta BiH, stručni kolegiji zdravstvenih ustanova, FZO Brčko distrikta BiH	Druga godina provođenja Strategije	Broj utvrđenih prioriteta za liste čekanja na zdravstvene usluge	Raspoloživi resursi / u skladu s funkcionalnim nadležnostima

1.3.5.1	Vršiti obuke zaposlenika zdravstvenih institucija u Brčko distriktu BiH o postojanju i štetnosti korupcije	Ured, Odjeljenje za zdravstvo i ostale usluge Brčko distrikta BiH, JZU Brčko distrikta BiH, Nevladine organizacije	Kontinuirano	Redovno provođenje obuka	Raspoloživi resursi / u skladu s funkcionalnim nadležnostima
1.3.6.1	Identifikovati i donijeti listu deficitarnih zdravstvenih usluga	Odjeljenje za zdravstvo, FZO Brčko distrikt BiH, JZU Brčko distrikt BiH	Prva godina provođenja Strategije	Lista deficitarnih usluga predstavljena Vladi s prijedlogom preporuka	Raspoloživi resursi / u skladu s funkcionalnim nadležnostima
1.3.6.2	Omogućiti pružanje deficitarnih zdravstvenih usluga	Odjeljenje za zdravstvo, FZO Brčko distrikt BiH, JZU Brčko distrikt BiH	Kontinuirano nakon usvajanja liste	Broj zdravstvenih usluga koje su omogućene – korisnici imaju adekvatne usluge	Potrebna dodatna sredstva
1.3.6.3	Na osnovu izvršene analize trenutnog stanja preduzeti potrebne mjere za povećanje jednakosti pristupa zdravstvenim uslugama	FZO Brčko distrikt BiH, Odjeljenje za zdravstvo, JZU Brčko distrikt BiH	Prva godina provođenja Strategije	Nakon urađene analize smanjiti rok čekanja na zdravstvene usluge	Potrebna dodatna sredstva
1.3.6.4	Provođenje ankete za mjerenje zadovoljstva korisnika zdravstvenih usluga u zdravstvenim institucijama Brčko distrikta BiH	Zdravstvene institucije u saradnji s Uredom	Prva godina provođenja Strategije	Rezultati anketiranja i iskustva korisnika zdravstvenih usluga	Potrebna dodatna sredstva
1.5.2.1	Javno objaviti sve planirane javne pozive za dodjelu sredstava podrške pravnim/fizičkim licima po usvajanju budžeta za tekuću godinu	Budžetski korisnici	Kontinuirano na godišnjem nivou	Objavljivanje javnih poziva	Raspoloživi resursi / u skladu s funkcionalnim nadležnostima
1.5.2.3	Jačanje kontrole realizacije programa/projekata finansiranih iz budžeta	Budžetski korisnici	Kontinuirano	Efikasnija realizacija programa/projekata	Raspoloživi resursi / u skladu s funkcionalnim nadležnostima
1.5.2.4	Kontrola namjenskog korištenja dodijeljenih sredstava	Budžetski korisnici	Kontinuirano	Redovno kontrolisanje korištenja dodijeljenih sredstava naročito u Odjeljenju za poljoprivredu, šumarstvo i vodoprivredu	Raspoloživi resursi / u skladu s funkcionalnim nadležnostima

3.1.3.2	Donijeti Uputstvo o postupanju i saradnji javnih službenika i dr. subjekata, a u vezi s prijavom koruptivnih radnji	Organi javne uprave i sve institucije u saradnji s Uredom	Druga godina provođenja Strategije	Usvojeno Uputstvo	Raspoloživi resursi / u skladu s funkcionalnim nadležnostima
4.1.1.1	Imenovanje kontakt i zamjenskih osoba u organima javne uprave i svim institucijama u Brčko distriktu BiH i kreirati smjernice za rad	Ured, organi javne uprave i sve institucije	Prva godina provođenja Strategije	Imenovanje kontakt i zamjenske osobe	Raspoloživi resursi/ u skladu s funkcionalnim nadležnostima
4.1.1.3	Donijeti Pravilnik o internom prijavljivanju korupcije i zaštiti osoba koje prijavljuju korupciju u institucijama Brčko distrikta BiH	Sve institucije Brčko distrikta BiH	Prva godina provođenja Strategije	Doneseni pravilnici	Raspoloživi resursi/ u skladu s funkcionalnim nadležnostima
4.2.1.3	Donijeti plan integriteta o rezultatima provedenih aktivnosti iz Akcionog plana 2022–2024. godine	Sve institucije Brčko distrikta BiH	Prva godina provođenja Strategije	Doneseni planovi integriteta	Raspoloživi resursi / u skladu s funkcionalnim nadležnostima
4.3.1.1	Periodična evaluacija ostvarenih aktivnosti iz Akcionog plana i davanje objašnjenja zbog čega nisu ispunjene pojedine aktivnosti	Ured, Kontakt-tačke	Najmanje jednom u dvije godine	Povećanje broja ostvarenih aktivnosti iz Akcionog plana	Raspoloživi resursi / u skladu s funkcionalnim nadležnostima
4.3.2.2	Provođenje obaveznog dodatnog razmatranja neizvršenih aktivnosti	Sve institucije na koje će se odnositi Akcioni plan	Treća godina provođenja Strategije	Veća produktivnost Akcionog plana	Raspoloživi resursi / u skladu s funkcionalnim nadležnostima

Šef Odjeljenja za zdravstvo i ostale usluge

sc. Asmir Mujanović, dipl. oec.



